

Taarsigassarsiissutit ernialersorneqassapput, qaammatillu tamaasa aalajangersimasumik akiliuteqartarnikkut akilersorneqassallutik, qaammammut qaangiuttumut qaammatit aallartinnerini ullormi siullermi akilerneqartarlutik.

Taarsigassarsianut siullermeertumik akiliutigineqartussaq, illumut sanaqataaffiusumut atuilernissamik akuersissutip tunniunneranit ukiumi tulluuttumi februaarip aallaqqaataani siullermeertumik akilerneqassaaq.

Taarsigassarsisup, taassumalu inoqutaasa piffissami pineqartumi isertitaat tamarmiusut ukiut tamaasa januaarip aallaqqaataani naatsorsorneqartut tunngavigalugit, qaammatini tulluuttuni aqqaneq-marluusuni qaammammut akiliutigineqartartussaq naatsorsorneqassaaq. Siullermeertumik illumut sanaqataaffiusumut atuilernissamik akuersissutip tunniunneranit ukiumi tulluuttumi januaarip aallaqqaataani.

Illu sanaqataaffiusoq pillugu paasissutissaq

Illu sanaqataaffiusoq illuuvog aalajangersimasog, qanoq ittuuneranik akuerisaq. Maannakkut illu anoq ittuuneranik akuerisaq tassaavog Illorput 2100. Illu sanaqaassiusussatut katiteriaannartut tunniunneqartarpoq, sumiiffimmilu sananeqartarluni. Aammalu taarsigassarsisog/ sanaqataasog suleqatigalugu sanasut ilinniarsimasut ikiortigalugit illu sananeqassaaq.

Illunut sanaqataaffiusunut inatsit malillugu, illumik sanaqataaffiusumik sananissamut imaluunniit tigusinissamut taarsigassarsinissamik kommunimut qinnuteqarsinnaavutit.

Taamaattoq **Ilulissani, Aasianni, Sisimiuni, Nuummi imaluunniit Qaqortumi najugaqaruit tamanna periarfissaanngilaq.** Kommuni illumik sanaqataaffiusumik nutaamik sananissamut, kisianni aamma illumik sanaqataaffiusumik sananeqareersumik

tigusinissamut, tamatumalu sania-tigut illunik sanaqataaffiusunik naammassineqan-ngitsunut taarsigassarsititsisinaavog.

Noah Mølgårdip Aqq. 9, 3952 Ilulissat

Telefonnummer +299 70 18 00

boligfinansiering@avannaata.gl

Avannaata.gl



Illu sanaqataaffiusoq

Avannaata Kommunia aqqutigalugu illutaarniarluni aningaasalersuinissamik taarsigassarsineq



Taarsigassarsiarititanut killiliussat

Illumik sanaqataaffiusumik sanaartornissamut imaluunniit pissarsinissamut taarsigassarsiffiusinnaallutik aningaasartuutissanut tamanut kommunalbestyrelsi taarsigassarsisitsinnaavoq. Taamaattoq taarsigassarsisup nammineq akiliutissai 25.000 koruuniusut ilanngaatigineqassapput.

Kommunip taarsigassarsiissutigisaat ukiuni 20-ni amerlaqatigiinnik akilersugassanngorlugit taarsigassarsiissutigineqassapput Nationalbankip diskonto inissitaa kiisalu erniarititaq 3 %-pointimik ilallugu taarsigassarsiissutigineqartut ernialersorneqassapput. Taarsigassarsiissutit ukiunut taarsersorneqarfissaannut tamarmiusernialerititassaq, illup sanaqataaffiusup atulernissaanut akuersissutit ulluanit aalajangersarneqassaaq.

Taarsigassarsiat

100.000 koruunit tikillugit taarsigassarsisitsisoqarsinnaavoq. Nutarterinissamut taarsigassarsiissutigineqarsimasut akilersimatinnagit, nutarterinissami suliaasat nutaat aningaasalersorneqarnissaannut nutaamik, tapertaliussamilluunniit taarsigassarsisitsisoqarsinnaanngilaq. Nutarterinissami taarsigassarsiat tamakkerlugit akilernerqarpata, nutarterinissamut nutaamik taarsigassarsisitsisoqarsinnaavoq.

Tapersiineq

Taarsigassarsitinnegarnissaminnik qinnuteqartut inoqutigiittut piffissami pineqartumi isertitaa tamarmiusernialerititassaq 300.000 koruuniusut sinnernagit isertitaqartunut taamaallaat nutarterinissamut tapiissuteqartoqarsinnaavoq.

Piumasaqaatit

Kommuni aamma pingaarnersiuissaaq, taamaalilluni sumiiffinni pisortat illuutaannik attartortakkanik inoqanngitsoqareersuni imaluunniit illunik sanaqataaffiusunik imaluunniit nammineq illulianik najorneqanngitsunik inissianik pisariaqartitsinermik naammassinniffiusinnaasuni, illunik sanaqataaffiusunik sananissamut taarsigassarsititsisoqarsinnaanani.

Kommunip taarsigassarsiat illup qularnaveeqqusiuunneratigut isumannaassavai.

Taarsigassarsiniarneq piumasaqaatitaqarpoq:

Taarsigassarsititsinissamik neriorsuutit tunniunneqareernerata kingorna ukiut marluk qaangiutsinnagit illu naammassillugu sananeqareersimallunilu atornerqalereersimassaaq, taamaanngippat taarsigassarsititsinissamik neriorsuut atorunnaarsinneqassaaq. Illunik ilaannakortumik sanaartortoqarnissaa pinaveersaartinniarlugu taamaaliortoqarpoq.

Piginnittussaatitaaneq inqarutaasumik qularnaveeqqusiusaqaarluni taarsigassarsititsinermut uppersarsaat tunniunneqareerpat aatsaat kommunimit qinnuteqartumut nuutinneqassaaq.

Maluginiaruk pisortanut akiligassatit 25.000 kr. sinnerpagit, illunik sanaqataaffiusunut taarsigassarsisinnaannginnavit.

Qinnuteqaatit

Qinnuteqaat makkuninnga imaqassaaq:

1. Allakkatigut taarsigassarsiniarluni qinnuteqaat
2. Sanaartoqateqarluni illup suunerata nassuiarnera, akialu
3. Negeroorutit, kallerup innerata ikkussuunniissaa, vvs il.il.
4. Akit missigersukkat, nunaminertamut, kallerup inneranyut, immermut il.il.
5. Sanaartoqatissamut sanaartornissamut missigersuutit
6. Nunaminertamut akuersissut
7. Nammineerluni aningaasaliisinaanermut uppersarsaat (aningaaserivimmiit)
8. Siunissami aserfatsaalinnissamut katersinissamut missigersuutit
9. Qinnuteqartup kinaanermut uppersarsaataa sumilu najungaqaarnermut uppersarsaat
10. Inoqutigiit tamarmiusernialerititassaq ukiut kingulliit tallimat inaarutaat
11. Sillimmassiinnermut uppersarsaat
12. Pisortanut akiitsoqannginnermut uppersarsaat
13. Piffimmi inissianik inoqanngitsoqarpat uppersarsaat.

Qinnuteqaat allaganngorlugu kommunimut nassiinneqassaaq, ass. e-mail.

Aserfallatsaaliinnissamut nutarterinissamullu aningaasat agguagassat

Taarsigassarsisup akiliutigisartagai, kommunip kingusinnerusukkat illunik sanaqataaffiusunik nutarterinissamut taarsigassarsisitsinnaanut imaluunniit tapiissuteqarnissaanut toqqortaatigineqassapput.

Akilersuutinnullu akiliutit illut sanaqataaffiusut pilersaarutaasumik aserfallatsaaliineqarnissaannut, nutarterneqarnissaannullu taarsigassarsisissutissat imaluunniit tapiissutissat taamaallaat atorsinnaavai.

Illut sanaqataaffiusut aningaasalersorneqarnissaat pillugu Inatsisartut inatsisaat manna imaluunniit siusinnerusukkat inatsit naapertorlugu illut sanaqataaffiusut taarsigassarsiffigineqarsimallutik taarsersugassartai sulit taarsersorneqartut pilersaarutaasumik aserfallatsaaliornissaannut, nutarterinissaannullu kommunalbestyrelsi taarsigassarsisitsinnaavoq imaluunniit tapiissuteqarsinnaavoq.



Avannaata
Kommunia



Avannaata
Kommunia



Avannaata
Kommunia